

**CENTRALNA BANKA  
BOSNE I HERCEGOVINE**  
**Broj: 150-15-4-1035- 29 /20 MM**  
**Sarajevo, 23.10. 2020. godine**

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

**ODLUKU**

**o izboru najpovoljnijeg ponuđača u postupku javne nabavke usluga - održavanje sistema grijanja u objektu Centralne banke Bosne i Hercegovine – Glavne jedinice Sarajevo – LOT 2**

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga - Održavanje sistema grijanja u objektu Centralne banke Bosne i Hercegovine – Glavne jedinice Sarajevo – LOT 2, dodjeljuje ponuđaču CLIMA- TRADE d.o.o. Sarajevo, na period od dvije godine, u svemu prema Ponudi broj: 402-CT/20 od 02.10.2020. godine.

Član 2.

Ponuda ponuđača iz člana 1. ove odluke, nakon održane e-aukcije, iznosi

14.691,50 KM bez PDV-a

(slovima: četrnaesthiljadašeststotinašesdesetjedan konvertibilnih maraka i 50/100)

odnosno

17.189,05 KM sa uračunatim PDV-om

(slovima: sedamnaesthiljadastotinuosamdesetdevet konvertibilnih maraka i 05/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Centralna banka Bosne i Hercegovine – Glavna jedinica Sarajevo (u daljem tekstu: GJS).

Član 4.

Centralna banka će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, GJS i Odjeljenje za računovodstvo i finansije Centralnog ureda Centralne banke Bosne i Hercegovine.

## Član 6.

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke usluga održavanja sistema grijanja – hlađenja, ventilacije i klimatizacije, otvorenim postupkom, pokrenut je Odlukom, broj: 150-15-4-1035-19/20 MM od 10.09.2020. godine. Predmetna nabavka je podijeljena po LOT-ovima kako slijedi:

- a) LOT 1 – Održavanje sistema ventilacije u objektima Centralnog ureda Centralne banke Bosne i Hercegovine, procijenjene vrijednosti u iznosu od: 25.000,00 KM, na period od godinu dana,
- b) LOT 2 – Održavanje sistema grijanja u objektu Centralne banke Bosne i Hercegovine – Glavne jedinice Sarajevo, procijenjene vrijednosti u iznosu od: 12.000,00 KM, na period od dvije godine,
- c) LOT 3 – Održavanje sistema grijanja i hlađenja u objektu Centralne banke Bosne i Hercegovine Filijale Brčko, procijenjene vrijednosti u iznosu od: 13.675,00 KM, na period od dvije godine,
- d) LOT 4 - Održavanje sistema grijanja i hlađenja u objektu Filijale Centralne banke Bosne i Hercegovine na Palama, procijenjene vrijednosti u iznosu od: 1.282,00 KM, na period od godinu dana.

U skladu s tim, Centralna banka je 16.08.2020. godine na portalu Javnih nabavki objavila Obavještenje o nabavci broj: 1370-1-2-352-3-248/20.

U predviđenom roku za dostavljanje ponuda, do 02.10.2020. godine do 10:00, za LOT 2 blagovremeno su dostavljene dvije ponude i to:

- CLIMA-TRADE d.o.o. Sarajevo
- GRIZELJ-GROUP d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da iste zadovoljavaju sve uslove tražene tenderskom dokumentacijom. Sa navedena dva ponuđača je zakazana e-aukcija za dan 09.10.2020. godine sa početkom u 10:00 sati. Nakon održane e-aukcije prvoplasirana ponuda je ponuda ponuđača CLIMA – TRADE d.o.o. Sarajevo, ali da je vrijednost iste iznad procijenjene vrijednosti nabavke.

Naime, u konkretnom postupku nabavke ponuđač CLIMA – TRADE je u svojoj ponudi dostavio dokaz – Potvrdu Vanjskotrgovinske komore BiH, da uživa preferencijalni tretman domaćeg, te je zbog toga prilikom poređenja ponuda njegova ponuda povoljnija u odnosu na ponudu ponuđača GRIZELJ-GROUP d.o.o. Sarajevo, koji nije dostavio dokaz za primjenu preferencijalnog tretmana domaćeg.

Zbog toga se Komisija obratila Odjeljenju za javne nabavke da izvrši provjeru sa Odjeljenjem za računovodstvo i finansije i dostavi Komisiji informaciju o tome postoji li dovoljno sredstava za realizaciju nabavke jer je procijenjena vrijednost nabavke 12.000,00 KM, a cijena pristigle ponude 14.691,50 KM.

Postupajući po upitu Komisije, Odjeljenje za javne nabavke se Upitom obratilo Odjeljenju za računovodstvo i finansije. U svom odgovoru, Odjeljenje za računovodstvo i finansije je, navelo da su finansijska sredstva za predmetnu nabavku osigurana u Finansijskom planu Centralne banke Bosne i Hercegovine za 2020. godinu, na poziciji Troškovi održavanja.

Navedeni odgovor Odjeljenje za javne nabavke je dostavilo nadležnoj Komisiji, koja je u Zapisniku o pregledu i ocjeni ponuda broj: 149-15-4-1955-6/20 i Izvještaju o radu sa preporukom, broj: 149-15-4-1955-7/20, oba od 21.09.2020. godine, dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke

**Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.



**GUVERNER**  
**dr. Senad Softić**

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- GJS;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)